

GALV SOUTEN EVIT PARITITO

Kompagnunezh Paritito a gas ur goulennaoueg publik souten evit skignañ he fezh-c'hoari Priveziou Publik.

En ur greizenn genwerzh e Breizh e kej maouezed 'zo, ha intdagomz. N'intket maouezed mod kelaouenn Elle, ar re-mañ! Choarzhin, bevañ, dañsal, butuniñ ha stourm a reont kement ha ma zo tu. Komzoù dibosupl vez eskemmet, ha selaouet a-hervez. Ha neuze e teu Libellule. Piv eo ar vaouez-mañ ha petra an diaoulez eo an anv-se da gentañ penn? Penaos e ra-hi evit bevañ e-touez merc'hed hepken ? Ar wirionez eo a vez läret ganti ? Ha dreist-holl, piv a zo o kousket er priveziou ha piv a zo o leñvañ a-dreñv an nor ? O choari : Anaël Guyomarch, Bleuenn Raynaudon, Tifenn Lineatte, Mai Lincoln, Stéphanie Coquillon. Fentus ha don eo ar pezh, lusk, ha kalon gantañ, gant nerzh emfrankiz ar merc'hed oc'h aveliñ ar gerioù. Skrivet eo e brezhoneg hag e galleg ar vro, an tudennou o vont d'un eil yezh d'eben evel er vuvez gwir. Un ustitalañ e galleg a vo kaset e-pad an

abadennoù. Ul lennadenn a zo bet d'ar pezh-c'hoari d'an 18 a viz Mae e Montroulez, ha pase-tomm eo bet degemer an arvesterien. Echuet e vo gant div sizhunvezh krouïñ e Brest, a-rao kas an abadenn gentañ d'ar 4 a viz Gouere en Eskevien (Esquibien).

Implij an arc'hant

Implijet e vo an arc'hant evit paeañ an dud a-vicher o deus labouret evit leurenniñ ar pezh-c'hoari ha krouïñ ar c'hoari gouleier (3000€). An dafar evit ar c'hinkladurioù (650€) hag ar skignañ (krouïñ ha moullañ ar skritell : 950€) a vo paeet gant an arc'hant-se ivez.

Sikour o deus bet dija gant div gompagnunezh a-vicher, Tro-Héol ha Dérézo, o deus feurmet o sal d'ur priz izel hg iveau ur rouedad tud kengred (ul lec'hien internet digoust, lojeiz ha dañsal pretest digoust...) hag izili ar gompagnunezh (röet ouzhpenn 4000€ ganto en holl).

Met gwenneg publik ebet en desped d'ar strivoù war ar goulennou yalc'hadoù. D'ar 4 a viz Gouere en Eskevien e vo c'hoariet ar pezh, forzh

penaos. Ma ne vo sikour ebet e vint rediet ober dle o-unan evit paeañ an dud a-vicher, ha dibosupl e vo dezho arc'hantaouiñ ar skignañ da ch'houde. Priveziou publik a chomfe un avañtur brav... d'ar re o do bet ar chañs da welet ar pezh d'ar 4 a viz Gouere !

Dougerezed ar raktres

Anvar gompagnunezh, Paritito, a dalvez kement ha "Kae betek penn da raktresou", ha se an hini emaomp'oc'h ober just awalch, gant ho sikour. E Penn-ar-Bed omp statiet, ha labourat a reomp e brezhoneg. Hor chroudigezhioù ra gant gallegoù du-mañ kement ha gant brezhonegoù ar vro, o vont deus an eil yezh d'eben evel ma reomp en hon buhezioù gwir. Bodañ a ra Paritito komedian. ez ed liammet gant ar c'hoant c'hoari geriou gwirion, re hor gwirionezioù deomp. Dibunañ a reomp un doare teatr diazezet war ur selaou dreist-aketus, ha red ar c'homzoù divoutin. Kinnig a reomp e kredfemp en em welout, klevout an eil re ar re-all. Ha n'eo ket evit ober van. En ober da vat ne läromp ket ! Dre an teatr-mañ e sav ur goulenn ennomp : piv oñp-ni,

maouezed, brezhonegerien, tud distabilaet, breskaet, divroet, an holl ac'hantomp ha ne vezomp ket kaset gant tizh

bras an doare nemetañ da soñjal, tizh ar muañniver ? Piv oñp-ni, e vez graet ac'hantomp "an dud" gant an dud ?

Un nebeud profou d'ar re a skoazello :

• 15€ (d.Le 5,10€ goude an distaol tailhou)

ur gerig trugarekaat hag unan deus an tri badj krouet gant Stephanie Doroche (an arzourez he deus fardet ar skritell)

• 25€ (d.Le 8,50€ goude an distaol tailhou)

ur gerig trugarekaat hag ar skritell krouet gant Stéphanie Doroche - da zont da dapout anezhi e Brest pe e-pad unan deus hon abadennoù.

• 50€ (d.Le 17€ goude an distaol tailhou)

ur gerig trugarekaat hag ur bedadenn personel da zont d'ur filaj e Brest d'an 26 a viz Even - (gellout a rit kadarnaat e vioc'h o tont betek an 23 da noz, dre skrivañ deomp).

• 200€ (d.Le 68€ goude an distaol tailhou)

Ar memes tra hag a-rao mui ur skritell sinet gant ar skipailh krouïñ en e bezh.

**Ya I, Sizhunieg
Journal hebdomadaire N° 524 du Vendredi 26 Juin 2015**

1,5 € an niverenn / le n° –

66 € ar bloaz / l'année

N° CPPAP : 0617 C 86790

embannet gant / édité par :

Keit Vimp Bev, 29520 LAZ

02 98 26 87 12

Rener embann / Dir. publication :

Y-F. Jacq, yf.kvb@orange.fr

Kenurzhier / Coordinateur :

Y-F. Jacq, yf.kvb@orange.fr

Maketennerezh / Mise en page :

G.Pavec, gwennoe.kvb@orange.fr

Koumanantou / Abonnements :

M. Gallais, magali.kvb@orange.fr

Moulet gant / Impression :

Le Télégramme, 7 voie d'Accès au Port, BP 67243 – 29672

MONTROUEZ/MORLAIX Cedex

Ar pennadoù sinet ne engoustiont nemet kiriegezh ar re

skrivet.

Ya !

Niv. 524 - Gwener 26 a viz Even 2015